



ТӨРИЙН ХЭМНЭЛТИЙН ТУХАЙ ХУУЛИЙН ХЭРЭГЖИЛТ, ҮР ДҮН

НИЙЦЛИЙН АУДИТЫН ДҮНГЭЭС



Төрийн хэмнэлтийн тухай хуулийн хэрэгжилт хангалтгүй байна.
Аудитын ерөнхий дүгнэлтээс, 2025 он

ГАРЧИГ

“ТӨРИЙН ХЭМНЭЛТИЙН ТУХАЙ ХУУЛИЙН ХЭРЭГЖИЛТ, ҮР ДҮН” НИЙЦЛИЙН АУДИТ

- Төрийн хэмнэлтийн тухай хуулийн хэрэгжилт
- Хөрөнгө оруулалттай холбоотойгоор хуульд заасан журмын хэрэгжилт
- Засгийн газар болон бусад төрийн байгууллагаас авч хэрэгжүүлсэн арга хэмжээний үр дүн
- Аудитын зөвлөмж
- Үндэсний аудитын газрын нэгтгэл тайланд тусгуулах санал



УВС АЙМАГ ДАХЬ ТӨРИЙН АУДИТЫН ГАЗАР

Хаяг: Увс аймаг, Улаангом сум, ЗДТГ-ын байр

Утас: 70453317

Цахим шуудан: uvs@audit.gov.mn

<https://audit.mn/>



“ТӨРИЙН ХЭМНЭЛТИЙН ТУХАЙ ХУУЛИЙН ХЭРЭГЖИЛТ, ҮР ДҮН” НИЙЦЛИЙН АУДИТ

ТӨРИЙН ХЭМНЭЛТИЙН ТУХАЙ ХУУЛИЙН ХЭРЭГЖИЛТ ХАНГАЛТГҮЙ БАЙНА.

Хуулийн 5-12 дугаар зүйлийн хэрэгжилтийг бүрэн хангаж ажиллаагүй байна.

Хуулийн 6 дугаар зүйлийн 6.4 дэх хэсэгт “Төрийн болон орон нутгийн өмчид бүртгэлтэй бүх төрлийн авто тээврийн хэрэгсэлд бусад авто тээврийн хэрэгслээс ялгагдах тод дэвсгэр өнгө бүхий улсын дугаар хэрэглэнэ”, Засгийн газрын 2022 оны 204 дүгээр “Хууль хэрэгжүүлэх зарим арга хэмжээний тухай” тогтоолоор төрийн байгууллага болон төрийн өмчит хуулийн этгээдийн тээврийн хэрэгсэлтэй холбоотой авч хэрэгжүүлэх арга хэмжээг нарийвчлан заасан байна.

№	Байгууллага	Байгууллагын тоо	Тээврийн хэрэгслийн тоо	Тод дэвсгэр бүхий улсын дугаар авсан	Тод дэвсгэр бүхий улсын дугаар аваагүй
1	ТЕЗ-ийн харьяа	34	321	88	223
2	Төсвийн шууд захирагч	70	379	294	85
3	Төрийн өмчит ААН	5	57	47	10
Нийт		109	757	429	318

Тод дэвсгэр бүхий улсын дугаар аваагүй дээрх 318 тээврийн хэрэгслээс зарим тээврийн хэрэгслийг актлах санал хүргүүлсэн, бичиг баримтын зөрчилтэй, эвдэрч ашиглагдахгүй болсон зэрэг шалтгаантай тээврийн хэрэгсэл цөөнгүй байгаа ч, төсвийн захирагчийн зүгээс хуулийн хэрэгжилтийг хангуулаагүй зөрчил байна.

Хуулийн 8 дугаар зүйлийн 8.1 дэх хэсэгт “Цэргийн алба хаагч, прокурор, гадаадын иргэний хяналтын улсын байцаагч, гаалийн улсын байцаагчаас бусад албан хаагч төсвийн болон байгууллагын хөрөнгөөр дүрэмт хувцас худалдан авахыг хориглоно” гэсэн заалттай холбоотой **2022 оны санхүүгийн тайлангийн аудитаар дараах зөрчил** илэрсэн. Үүнд:



Насан туршийн суралцахуйн төвийн 0.7 сая, Эрүүл мэндийн газар 0.9 сая, нийт 1.6 сая төгрөгийн биеийн тамирын өмсгөл төсвөөс худалдан авсанд төлбөрийн акт тогтоосон.



Ойрад хөгжимт жүжгийн театр нь хөдөө сумдад хийсэн тоглолтын орлогыг Төрийн сан дахь бүртгэлийн дансанд тушаахгүйгээр хөндий зарлагдаж байгууллагын 57 ажилтанд нийт 3.3 сая төгрөгийн үнэ бүхий бомбор хувцас худалдан авсанд зөрчил арилгах албан шаардлага өгсөн.



“ТӨРИЙН ХЭМНЭЛТИЙН ТУХАЙ ХУУЛИЙН ХЭРЭГЖИЛТ, ҮР ДҮН” НИЙЦЛИЙН АУДИТ

Төсвийн ерөнхийлөн захирагчаас төсвийн байгууллага, төрийн болон орон нутгийн өмчит хуулийн этгээдэд хуулийг мөрдөж ажиллах чиглэлийг хүргүүлсэн ч хэмнэлтийн бусад арга хэмжээний хэрэгжилт үр дүнгүй байна.

Аймгийн Төсвийн ерөнхийлөн захирагчаас харьяа төсвийн захирагч нарт Төрийн хэмнэлтийн тухай хуулийн хэрэгжилтийг хангаж ажиллах талаар дараах чиглэл хүргүүлжээ. Үүнд:

1

Аймгийн Засаг даргын 2022 оны 06 дугаар сарын 06-ны өдрийн 1/1017 дугаар захирамжаар **“Төсвийн тухай хууль болон Төрийн хэмнэлтийн тухай хуулийг чанд мөрдөж ажиллах”-ыг сумдын Засаг дарга, төсвийн шууд захирагч нарт,**

2

Аймгийн Засаг даргын 2022 оны 07 дугаар сарын 08-ны өдрийн 1/1223 дугаар захирамжаар **“Төрийн хэмнэлтийн тухай хуулиар төсвийн байгууллага, түүний албан тушаалтны зарим үйл ажиллагаа, хангамжийг хязгаарласантай холбогдуулан төсвийн урсгал зардлын саналд хуулиар хориглосон зардал, арга хэмжээг тусгахгүй байх чиглэл”-ийг сумдын Засаг дарга, төсвийн шууд захирагч нарт,**

3

Аймгийн Засаг даргын 2022 оны 12 дугаар сарын 06-ны өдрийн 1/2200 дугаар албан бичгээр **“Төрийн хэмнэлтийн тухай хуулиар төсвийн байгууллага, түүний албан тушаалтны зарим үйл ажиллагаа, хангамжийг хязгаарласантай холбогдуулан төсвийн урсгал зардлаар хуулиар хориглосон арга хэмжээг санхүүжүүлэхгүй байх чиглэл”-ийг сумдын Засаг дарга, төсвийн шууд захирагч нарт,**

4

Аймгийн Засаг даргын 2023 оны 07 дугаар сарын 24-ний өдрийн 1/1282 дугаар албан бичгээр **“Төрийн хэмнэлтийн тухай хуулиар төсвийн байгууллага, түүний албан тушаалтны зарим үйл ажиллагаа, хангамжийг хязгаарласантай холбогдуулан төсвийн урсгал зардлын саналд хуулиар хориглосон зардал, арга хэмжээг тусгахгүй байх чиглэл”-ийг сумдын Засаг дарга, төсвийн шууд захирагч нарт,**



“ТӨРИЙН ХЭМНЭЛТИЙН ТУХАЙ ХУУЛИЙН ХЭРЭГЖИЛТ, ҮР ДҮН” НИЙЦЛИЙН АУДИТ



ТӨРИЙН ХЭМНЭЛТИЙН ТУХАЙ

15 дугаар зүйл. Хэмнэлтийн бусад арга хэмжээ

15.1. Төсвийн байгууллага, төрийн болон орон нутгийн өмчит хуулийн этгээдэд дараах зүйлсийг хориглоно:

15.1.2. чиг үүрэг, орон тоог давхардуулан тогтоох;

15.1.3. хууль тогтоомжид зааснаас өөр хэлбэрээр тэтгэмж, шагнал, урамшуулал, дэмжлэг олгох;

15.1.4. Монгол Улсын Ерөнхийлөгчийн зарлиг, Улсын Их Хурлаас баталсан хууль тогтоомж, Засгийн газрын болон аймаг, нийслэлийн иргэдийн Төлөөлөгчдийн Хурал, Засаг даргын шийдвэр, тэдгээрийн хэрэгжилт, цаг үеийн шинжтэй мэдээ, мэдээллийг олон нийтэд хүргэх, сурталчлан таниулахаас бусад зорилгоор байгууллага, хамт олныг сурталчлах, салбарын болон байгууллагын үйл ажиллагаатай холбоотой нэвтрүүлэг, контент, баримтат болон цуврал киноны уран бүтээл зэргийг санхүүжүүлэх;

15.1.5. төсвийн болон байгууллагын хөрөнгөөр бэлэг дурсгалын зүйл худалдан авах;

15.1.7. байгууллагын төсвөөр согтууруулах ундаа худалдан авах.



Дээрх заалтуудтай холбоотой илэрсэн зөрчлийн шийдвэрлэлт

2022 оны санхүүгийн тайлангийн аудитаар

- **1.5** сая төгрөгийн **4 төлбөрийн акт**;
- **23.3** сая төгрөгийн **6 албан шаардлага**;
- **23.4** сая төгрөгийн **2 зөвлөмж**.

2023 оны санхүүгийн тайлангийн аудитаар

- **10.3** сая төгрөгийн **5 төлбөрийн акт**;
- **13.1** сая төгрөгийн **2 албан шаардлага**;
- **41.2** сая төгрөгийн **4 зөвлөмж**.

2024 оны санхүүгийн тайлангийн аудитаар

- **2.8** сая төгрөгийн **3 төлбөрийн акт**;
- **34.0** сая төгрөгийн **4 албан шаардлага**;



“ТӨРИЙН ХЭМНЭЛТИЙН ТУХАЙ ХУУЛИЙН ХЭРЭГЖИЛТ, ҮР ДҮН” НИЙЦЛИЙН АУДИТ

ХӨРӨНГӨ ОРУУЛАЛТТАЙ ХОЛБООТОЙГООР ХУУЛЬД ЗААСАН ЖУРМЫН ХЭРЭГЖИЛТ ХАНГАЛТГҮЙ БАЙНА.

Хуулийн 13 дугаар зүйлийн хэрэгжилтийг бүрэн хангаж ажиллаагүй байна.



ТӨРИЙН ХЭМНЭЛТИЙН ТУХАЙ

13 дугаар зүйл. Хөрөнгө оруулалтын төсөл, арга хэмжээ

13.1.Төсвийн хөрөнгө оруулалтаар хэрэгжүүлэх төсөл, арга хэмжээний хэрэгжилтийг зохион байгуулахад дараах журмыг баримтална:

13.1.4.төсөл, арга хэмжээ төлөвлөсөн хугацаанд бүрэн хэрэгжих боломжгүй нөхцөл үүссэн тохиолдолд гэрээ байгуулах шийдвэр гаргахгүй байх;

13.3.Улсын болон орон нутгийн төсөв, төрийн болон орон нутгийн өмчит хуулийн этгээдийн хөрөнгө оруулалтын төсөл, арга хэмжээний төлөвлөгөөний жагсаалтад дараах зүйлсийг тусгахыг хориглоно:

13.3.2.хувийн өмчид шилжих, улсын болон орон нутгийн өмчид бүртгэх боломжгүй, нийтийн зориулалттай бус ашиг олох зорилготой төсөл, арга хэмжээ;

13.3.3.техник, эдийн засгийн үндэслэл хийгдээгүй, зураг төсөв нь батлагдаагүй, газрын зөвшөөрөл олгогдоогүй хөрөнгө оруулалтын төсөл, арга хэмжээ.



Улсын төсвийн 2024 оны хөрөнгө оруулалтын төлөвлөгөөний хэрэгжилт, үр дүнд хийсэн нийцлийн аудитаар хуулийн дээрх заалттай холбоотой дараах зөрчлүүд илэрсэн байна.

- Орон нутгийн цахилгаан болон дулаан хангамж /Улсын хэмжээнд/ -286.4 сая төгрөгийн Гэр хорооллын цахилгаан эрчим хүчинд холбогдоогүй хүчдэлийн уналттай айл өрхүүдийн цахилгаан хангамж, Ховд сум, 1, 2 баг-багц 2 төсөл, арга хэмжээ **төлөвлөсөн хугацаанд бүрэн хэрэгжих боломжгүй нөхцөл үүссэн байхад гэрээ байгуулсан** зөрчилд зөвлөмж өгсөн.
- Ухаалаг тоолуур нэвтрүүлэх, худалдан авах /Увс, Улаангом сум/-800.0 сая төгрөгийн төсөвт өртөгтэй тухайн шатны төсөвт **хамаарах хуулийн этгээдийн өмчлөлд шилжих боломжгүй төсөл, арга хэмжээг санхүүжүүлсэн** зөрчилд зөвлөмж өгсөн.
- Аялал жуулчлалын байгаль, түүх, соёлын өв бүхий газруудад ариун цэврийн байгууламж, авто зогсоол бүхий отоглох цэг /Увс, Малчин, Хяргас сум, Хяргас нуур/ 1,500.0 сая, /Увс, Тариалан сум, Увс нуур/ 1,874.0 сая төгрөгийн төсөвт өртөгтэй 2 төсөл, арга хэмжээ **барилгын хөгжлийн төвийн магадлалын дүгнэлт гараагүйгээс шалтгаалан тендер шалгаруулалт зарлаагүй** зөрчилд хууль тогтоомжид нийцсэн төсөл, арга хэмжээг төлөвлөн баталж байх талаарх зөвлөмжийг Үндэсний аудитын газрын нэгдсэн тайланд тусгуулахаар санал хүргүүлсэн.



“ТӨРИЙН ХЭМНЭЛТИЙН ТУХАЙ ХУУЛИЙН ХЭРЭГЖИЛТ, ҮР ДҮН” НИЙЦЛИЙН АУДИТ

ХӨРӨНГӨ ОРУУЛАЛТТАЙ ХОЛБООТОЙГООР ХУУЛЬД ЗААСАН ЖУРМЫН ХЭРЭГЖИЛТ ХАНГАЛТГҮЙ БАЙНА.

Хуулийн 13 дугаар зүйлийн хэрэгжилтийг бүрэн хангаж ажиллаагүй байна.



ТӨРИЙН ХЭМНЭЛТИЙН ТУХАЙ

13 дугаар зүйл. Хөрөнгө оруулалтын төсөл, арга хэмжээ

13.5. Орон нутгийн хөгжлийн сангийн хөрөнгөөр зөвхөн орон нутгийн иргэдийн санал авсан, хуульд заасны дагуу зураг төсөв, техник, эдийн засгийн үндэслэл, байгаль орчны төлөв байдлын үнэлгээ хийгдсэн, хуульд заасан холбогдох зөвшөөрөл олгогдсон хөрөнгө оруулалтын төсөл, арга хэмжээг санхүүжүүлнэ.



Иргэдийн саналыг аваагүй төсөл, арга хэмжээг Орон нутгийн хөгжлийн сангийн хөрөнгөөр санхүүжүүлсэн дараах зөрчлүүд илэрсэн байна.

Орон нутгийн хөгжлийн сангийн 2023 оны үйл ажиллагаанд хийсэн нийцлийн аудитаар:

- Бөхмөрөн сум **284.4** сая төгрөгийн **12 төсөл, арга хэмжээ**;
- Наранбулаг сум **638.5** сая төгрөгийн **29 төсөл арга хэмжээг** санхүүжүүлсэн зөрчилд зөвлөмж өгсөн.

2022-2023 онд хийсэн санхүүгийн тайлангийн аудитаар:

- Өндөрхангай сум **30.0** сая төгрөгийн **1 төсөл, арга хэмжээ**,
- Бөхмөрөн **605.9** сая төгрөгийн төсөвтэй **31 төсөл, арга хэмжээ**,
- Зүүнхангай сум **116.2** сая төгрөгийн төсөвтэй **1 төсөл, арга хэмжээ**,
- Наранбулаг сум **1,362.8** сая төгрөгийн төсөвтэй **1 төсөл, арга хэмжээг** санхүүжүүлсэн зөрчилд зөвлөмж өгсөн.




“ТӨРИЙН ХЭМНЭЛТИЙН ТУХАЙ ХУУЛИЙН ХЭРЭГЖИЛТ, ҮР ДҮН” НИЙЦЛИЙН АУДИТ

Цахим дэлгүүрээс бараа, үйлчилгээ худалдан авах ажиллагааг орон нутгийн түвшинд хэрэгжүүлэх нөхцөл бүрдээгүй байна.

Аймгийн Орон нутгийн өмчийн газарт 2022-2024 онд төсөвт байгууллагуудаас цахим дэлгүүрээс бараа, бүтээгдэхүүн худалдан авах төлөвлөгөө ирүүлээгүй байна.

Орон нутагт үйл ажиллагаа явуулж байгаа төсвийн байгууллагуудын хувьд салбарын онцлогоос хамаарч боловсрол, эрүүл мэндийн байгууллагууд цахим дэлгүүрээс цөөн нэр төрлийн бараа бүтээгдэхүүний худалдан авалт хийсэн байна.



Бусад төсвийн байгууллагуудын хувьд цахим дэлгүүрээс худалдан авалт хийгээгүй байна. Цахим дэлгүүрээс худалдан авалт хийгээгүй шалтгаан нөхцөлийг санхүүгийн ажилтнуудаас тодруулахад **цахим дэлгүүрийн бараа, бүтээгдэхүүний сонголт бага, өртөг өндөр, захиалга цуцлагддаг, чанарын шаардлага хангадаггүй, тээврийн зардлаас эхлээд төсөвт өртөг нэмэгддэг** зэргээр хүндрэл үүсдэг гэсэн тайлбарыг өгч байна.



- Аймгийн Нэгдсэн эмнэлэг цахим дэлгүүрээс 2022 онд 598.6 сая төгрөгөөр 76 нэр төрлийн эм, эмнэлгийн хэрэгсэл, 2023 онд 830.4 сая төгрөгөөр 83 нэр төрлийн эм, эмнэлгийн хэрэгсэл, 2024 онд 1,226.9 сая төгрөгийн 106 нэр төрлийн эм, эмнэлгийн хэрэгсэл худалдан авсан байна.
- Увс аймгийн Ерөнхий боловсролын 28 сургууль Боловсролын сайдын ерөнхий гэрээг үндэслэн цахим дэлгүүрээс 2022 онд 565.4 сая, 2023 онд 800.6 сая, 2024 онд 516.5 сая төгрөгийн худалдан авалтыг хийсэн байна.
- 2023 онд Өндөрхангай сумын цэцэрлэг 3.0 сая, Түргэн сумын цэцэрлэг 2.9 сая, Тэс сумын цэцэрлэг 3.8 сая, нийт 9.7 сая төгрөгийн худалдан авалтыг цахим дэлгүүрээс хийсэн байна.



“ТӨРИЙН ХЭМНЭЛТИЙН ТУХАЙ ХУУЛИЙН ХЭРЭГЖИЛТ, ҮР ДҮН” НИЙЦЛИЙН АУДИТ

ЗАСГИЙН ГАЗАР БОЛОН БУСАД ТӨРИЙН БАЙГУУЛЛАГААС АВЧ ХЭРЭГЖҮҮЛСЭН АРГА ХЭМЖЭЭ ЗОХИХ ҮР ДҮНТЭЙ БАЙГАА Ч АЛДАА, ЗӨРЧИЛ ГАРСААР БАЙНА.

Хяналт тавих чиг үүрэг бүхий төрийн байгууллагууд хяналт хэрэгжүүлэн ажилласан байна.

Увс аймгийн
иргэдийн
Төлөөлөгчдийн
Хурал



176.6 сая төгрөгийн үлдэх өртөгтэй 11 тээврийн хэрэгслийг холбогдох байгууллагад шилжүүлэх, төрийн байгууллагуудад ашиглаж байсан 70 тээврийн хэрэгслийг татан төвлөрүүлэхээр шийдвэрлэсэн байна.

Увс аймаг дахь
Төрийн аудитын
газар



Төрийн хэмнэлтийн тухай хуулийн хэрэгжилтэд хяналтыг тогтмол хэрэгжүүлэн ажиллаж байна. Тухайлбал: 2024 онд 21.2 сая төгрөгийн 20 төлбөрийн акт, 33,879.6 сая төгрөгийн 23 албан албан шаардлага, 9,585.5 сая төгрөгийн 26 зөвлөмж өгч хэрэгжилтийг хангуулан ажилласан байна.

Увс аймгийн
Санхүү, төрийн
сангийн хэлтэс



Төсөвт байгууллагуудын өдөр тутмын санхүүгийн гүйлгээнд цахимаар болон аймгийн Засаг даргын захирамжаар төлөвлөгөө батлуулан сумдын төрийн сангийн үйл ажиллагаанд дотоод хяналтыг хэрэгжүүлдэг байна.

Увс аймгийн
Санхүүгийн хяналт,
дотоод аудитын
алба



Төсөвт байгууллага, төрийн болон орон нутгийн өмчийн оролцоотой аж ахуйн нэгжүүдэд төлөвлөгөөт болон төлөвлөгөөт бус хяналтыг хэрэгжүүлэхдээ Төрийн хэмнэлтийн тухай хуулийн хэрэгжилтийг хянасан байна.

Увс аймгийн
ЗДТГ-ын Хяналт
шинжилгээ,
үнэлгээний хэлтэс



“Бодлогын баримт бичгийн хэрэгжилт болон захиргааны байгууллагын үйл ажиллагаанд хяналт, үнэлгээ хийх нийтлэг журам”-ын 8.1, 8.8 дахь заалтын дагуу тогтоомж, тогтоол шийдвэрийн биелэлтэд хяналт- шинжилгээ, үнэлгээ хийж цахим системд тайлагнасан байна. Тухайлбал: Засгийн газрын хяналт шинжилгээ, үнэлгээний мэдээллийн цахим санд Төрийн хэмнэлтийн тухай хуулийн хэрэгжилттэй холбоотой 11 заалтаас 2024 оны байдлаар “100 хувийн хэрэгжилттэй 8, 70 хувийн хэрэгжилттэй 2, 30 хувийн хэрэгжилттэй 1 заалт байна” гэж дүгнэсэн байна.



“ТӨРИЙН ХЭМНЭЛТИЙН ТУХАЙ ХУУЛИЙН ХЭРЭГЖИЛТ, ҮР ДҮН” НИЙЦЛИЙН АУДИТ

Төрийн хэмнэлтийн тухай хууль хэрэгжсэнээр төсөвт хэмнэлт гарсан ч үр дүн хангалтгүй байна.

Хоршоо хөгжүүлэх сангийн **зээлийн эргэн төлөлт хангалтгүй, эх үүсвэр төлөвлөсөн хэмжээнд бүрдээгүй**, улс орон нутгийн төсвийн хөрөнгө оруулалтаар хийгдэх **төсөл, арга хэмжээнүүд төлөвлөсөн хугацаанд хэрэгжээгүйгээс санхүүжилт бүрэн олгогдоогүй**, шинээр ашиглалтад орох барилга байгууламжийн **тогтмол зардал хэмнэгдсэн** нь зардал хэмнэгдэх гол шалтгаан болсон байна.



	2023 он	2024 он
Төсөв	57,823.7 сая төгрөг	83,694.6 сая төгрөг
Гүйцэтгэл	50,664.8 сая төгрөг	74,469.4 сая төгрөг
Хэмнэлт	7,158.9 сая төгрөг	9,225.2 сая төгрөг

Увс аймаг дахь Төрийн аудитын газраас 2022-2024 онд хийсэн санхүүгийн тайлангийн аудитаар **Төрийн хэмнэлтийн тухай хуулийн хэрэгжилтийг хангаагүй зөрчлүүдийг дараах байдлаар шийдвэрлэсэн байна.**

Шийдвэр	2022		2023		2024		Нийт	
	Тоо	Дүн	Тоо	Дүн	Тоо	Дүн	Тоо	Дүн
Төлбөрийн акт	13	19.9	8	14.0	20	21.2	41	55.1
Албан шаардлага	16	802.3	5	1,190.0	23	33879.6	44	35,872.0
Зөвлөмж	15	6568.4	16	1,336.5	26	9585.5	57	17490.4
Хариуцлага тооцуулах албан шаардлага	2	524.8	0	-	0	0.0	2	524.8
Нийт	46	7,915.4	29	2,540.5	69	43,486.3	144	53,942.20



“ТӨРИЙН ХЭМНЭЛТИЙН ТУХАЙ ХУУЛИЙН ХЭРЭГЖИЛТ, ҮР ДҮН” НИЙЦЛИЙН АУДИТ

Шилэн дансны тухай хуулийн хэрэгжилт хангалтгүй байна.



ТӨРИЙН ХЭМНЭЛТИЙН ТУХАЙ

20 дугаар зүйл. Тайлагналт, ил тод байдал

20.5. Энэ хуулийн 3.1-д заасан этгээд Шилэн дансны тухай хуульд заасан мэдээллийг хугацаанд нь байршуулна.



№	Он	Нийт зөрчил		Үүнээс:					
				Албан шаардлага		Хариуцлага тооцуулах албан шаардлага		Зөвлөмж	
		Тоо	Дүн	Тоо	Дүн	Тоо	Дүн	Тоо	Дүн
1	2022	18	7,822.1	5	753.5	1	524.8	12	6,543.7
2	2023	6	1,558.8	3	1,176.9	-	-	3	381.9
3	2024	35	39,612.9	13	30,513.5	-	-	22	9,099.4
Нийт		59	48,993.8	21	32,443.9	1	524.8	37.00	16,025.0

Эх сурвалж: Төрийн аудитын байгууллагын статистик мэдээ




2022-2024 оны аудитаар Шилэн дансны тухай хуулийн хэрэгжилттэй холбоотой **48,993.7** сая төгрөгийн **59 зөрчил** илрүүлсэн бөгөөд **37 зөвлөмж**, **21 албан шаардлага**, **1 албан тушаалтанд сахилгын шийтгэл ногдуулах албан шаардлага** өгсөн байна.



“ТӨРИЙН ХЭМНЭЛТИЙН ТУХАЙ ХУУЛИЙН ХЭРЭГЖИЛТ, ҮР ДҮН” НИЙЦЛИЙН АУДИТ

АУДИТЫН ЗӨВЛӨМЖ



АЙМАГ, СУМЫН ИРГЭДИЙН ТӨЛӨӨЛӨГЧДИЙН ХУРАЛД:

1. Орон нутгийн өмчит хуулийн этгээдийн бүтэц орон тоо, цалин хөлсний нийтлэг жишгийг батлах.



АЙМГИЙН ЗАСАГ ДАРГА, ТӨРИЙН ӨМЧИТ ХУУЛИЙН ЭТГЭЭДИЙН УДИРДЛАГА НАРТ:

1. Төсвийн байгууллага, төрийн болон орон нутгийн өмчийн оролцоотой хуулийн этгээдийн тээврийн хэрэгслийг тод дэвсгэр өнгө бүхий улсын дугаарт шилжүүлэх.



ҮНДЭСНИЙ АУДИТЫН ГАЗРЫН НЭГТГЭЛ ТАЙЛАНД ТУСГУУЛАХ САНАЛ:

“Баруун бүсийн эрчим хүчний систем” ТӨХК-ийн гүйцэтгэх захирлын 2025 оны 03 дугаар сарын 11-ний өдрийн Б/34 дүгээр тушаалаар хяналт үнэлгээ хариуцсан менежерийг томилж үндсэн цалинг 1.9 сая төгрөгөөр, 2025 оны 04 дүгээр сарын 03-ны өдрийн Б/43 дугаар тушаалаар хүний нөөцийн бүтээмжийн менежерийг томилж үндсэн цалинг 1.8 сая төгрөгөөр тус тус тогтоосон асуудлыг нэгдсэн тайланд тусгуулах.